

瘍

醫

大

全

瘍醫大全目錄

卷二十二

腦背部

腦疽門主論

髮際疽門主論

後腦發門主論

頭後蜂窩疽門主論

天疽銳毒門主論

耳下石疽門主論

項門癰門主論

項後肉龜瘡門主論

項後生疔瘡門主論

失帶症門主論

天桂疽門主論

天壽疽門主論

對口門主論

附牙

百脉疽門主論

肩癰門主論

肩疽門主論

過肩疽門主論

肩井毒門主論

擔肩門主論 附方

上中下三發背門主論 附方

對心發門主論

蓮子蜂窩發門主論

兩頭尖疽門主論

瘦癭發門主論

體發疽門主論

陰陽疽門主論

特疽門主論

陰陽二氣疽門主論

黃瓜疽門主論

丹毒發疽門主論

酒毒發疽門主論

上搭門主論

附方

中搭門主論

左右搭串門主論

療疽發門主論

禽疽門主論

九疽門主論

小兒龜背門主論 附方

脊縫出虱門主論 附方

內龜瘡門主論

鼠攢瘡門主論

淵疽門主論 附方

石疽門主論

腎俞發門主論

對臍發門主論

環跳疽門主論

附方

陰毒門主論

無名腫毒門主論

附方

瘍醫大全卷二十二

燕湖顧世澄練江氏纂輯

塔錢之術東陽

男 櫟焚用和

全校

腦背部

自腦後肩脊背腹癰疽皆彙於此部中以便檢閱

治

腦疽



腦疽門主論

鬼遺方云正腦上一處起爲腦癰及腦疽腦鑠並在
大椎骨上入髮際生

王肯堂曰腦癰皮起易得破穴急破急出膿不害腦
疽皮厚難得破穴須急發內毒使破穴方可腦鑠
一處初起如橫木掘上起頂門下止大椎發腫如
火燒其色青黑如靴皮大硬不見膿卽損外皮如
犬咬去肉之跡難愈

準繩

靈樞經云陽氣大發消腦溜項名曰腦鑠其色不樂

腦項如刺以針煩心者死不可治

薛立齋曰腦屬足太陽膀胱經積熱或濕毒上湧或陰虛火熾或腎水虧損陰精消涸始成疽也

陳遠公曰有生疽於頭頂者始名腦疽若對口偏對口俱非真腦疽也此疽九死一生大約生此疽者皆腎火沸騰也腦爲髓海通於腎腎無火則髓不能化精腎多火髓亦不能化精不但不化精而髓火升降且化爲毒以生癰疽矣蓋腎之化精必得腦中之氣以相化若腦中無非腎火勢必氣化爲

火火性炎上不及下降卽於腦中髓海自發其毒
較之腦氣不流而爲毒者更甚故往往有更變形
容改換聲音瘡形紫黑煩躁口乾甚至腦骨俱腐
片片脫下狼狽之狀不可言語形容者又何以救
之耶此症須問飲食若何倘飲食知味卽可用藥
名曰五聖丹金銀花八兩玄參麥冬各三兩黃芪
四兩人參二兩水煎服四劑漸愈改用十全大補
湯重四兩服四劑又改用八味地黃湯恣其酣飲
自可全愈矣此救九死一生之法然舍此實無第

二法也此疽得於房術者居多與陽溢精俱是丹
石燥裂之品霸阻精道日積月累直陰枯燥髓竭
火發遂至潰頂而不可救人又何苦博女子之歡
喪千金之命耶

冰鑑

賈漢卿曰腦疽若色黯不潰或潰而不斂乃陰精消
涸名曰腦燥為不治

全書

髮際疽



瘍醫大全

卷二十二

髮際疽

四

顧氏秘書


髮際疽門主論

王肯堂曰髮際瘡初起如粟米頭白肉赤熱痛如錐刺婦人患此者多丈夫患此者少始因風濕上攻或因風熱上壅若如芡實漫腫寒熱或痛或癢者是髮際疽也

準繩

心法曰此疽生項後髮際形如黍豈痛如錐刺癢似火燎破津膿水亦有浸淫髮內者此由內鬱濕熱外兼受風相搏而成癩腫高腫者易治平塌漫腫毒流肩背未膿先腐者難治十四日得膿爲吉

後腦發有正有偏



後腦發門主論

申斗垣曰玉枕疽卽後腦發乃足太陽兼督脈陽維

脈所主多血少氣在玉枕二穴風府穴端啟立

陳實功曰玉枕疽生於腦後枕骨中堅而難潰痛引
肩項鼻塞氣齋此足太陽膀胱濕熱凝滯而成痛

瘥不一正宗

頭後蜂窩疽門主論

申斗垣曰蜂窩疽乃熱毒結成形如蜂窩中多碎孔
多生頭後焮痛紅腫者可治疾發者難治毒流兩
肩不可救矣 敬立

胡公弼曰此症與蜂窩發背不同與對口同治 青囊

左名天疽右名銳毒生於耳
後一寸三分陷中致命之處



天疽銳毒門主論

陳實功曰天疽銳毒生於耳後一寸三分致命之處左爲天疽天者妖也妖變之物屬於肝木右爲銳毒銳者利也鋒利之器屬於肺金二者皆起於積想在心謀慮不決以致火旺而又鬱鬱而又旺誠爲險惡之候故形多堅硬頭多隱伏未潰先黑未膿先腐臭穢易生元氣易敗凡得此者多不得外發後必內攻而死初起生於隱微令人多不知覺及其知覺毒已入內矣倘紅活尚腫易於膿腐

者無妨

正宗

汪省之曰天疽銳毒又名痼發又名耳後發

理例

胡公弼曰耳後銳毒乃心腎二經受毒若不急治恐

熱氣壅心毒攻喉下必致傷命

青囊

石疽



瘍醫大全

卷二十二

石疽

九

顧氏秘書

耳下石疽門主論

馬魯瞻曰耳下石癰者不膿不疼是也大宜養肝血
滋腎水溫補可化如少年脉實者少佐以清肝然
不可輕用行氣破血之藥 錦囊

汪省之曰石疽多生耳項 理例

竇漢卿曰石疽與石癰同惟石疽深寒客於經絡血
氣結聚不散隱於皮內堅腫按之如石此毒若連
頸項之節內先腐爛方出皮膚如膿出頸項者卽
死初起宜艾火灸三四十壯發於額面者不可灸

也

又曰商陸搗敷石疽最效


湯醫大全

卷二十二 石疽

十

顧氏秘譜

項門癰



項門癱門主論

汪省之曰項門癱乃陰陽不調氣熱壅上結在風府
之傍聚而成毒傷於腦後此惡候也治同癱疽法
理例

項上肉龜瘡門主論

心法曰肉龜瘡卽胖人項後髮際疽蓋胖人項後髮際肉厚而多摺紋其髮反刺瘡內因循日久不瘥又兼外襲風寒凝結形如卧瓜破爛津水時破時歛俗名謂之內龜經年不愈亦無傷害

項後生疔瘡門主方


項後生疔瘡肉色不變不論大小年深日久者

生山藥去皮

草蓆仁十粒

搗爛攤帛上貼之奇驗

失榮症



失榮症門主論

陳實功曰失榮症得之於先得後失始富終貧亦有
雖居富貴其心或因六慾不遂損傷中氣鬱火相
凝隧痰失道停結而成其患多生肩之以上初起
微腫皮色不變日久漸大堅硬如石推之不移按
之不動半載一年方能陰痛氣血日衰形容瘦削
破爛紫斑滲流血水或腫泛如蓮穢氣薰蒸晝夜
不歇平生疔瘡愈久愈大越潰越堅犯此俱爲不
治當以和榮散堅丸飛龍阿魏化堅膏治之雖不

能愈誠緩命之金丹也治此症與乳巖相似

正宗

失榮症門主方

和榮散堅丸 正宗

失榮症堅硬如石不熱不紅漸腫漸大者服

人參 當歸身 白朮

白茯苓 香附 廣橘紅

熟地 各二兩 天南星 貝母

栝子仁 遠志 牡丹皮

酸棗仁 各一兩 角沉 蘆薈 各八錢

龍齒 一對煨如無龍齒以鹿角尖二兩煨代之 硃砂 六錢乳細為衣

右爲末煉蜜丸桐子大每服八十丸食後用合
歡樹根皮煎湯送下患者若改往從新淡薄甘
命其中有得愈者十中一二否則難脫然也

飛龍阿魏化堅膏

正宗

治失榮症及癭瘤乳巖瘰癧結毒初起堅硬如
石皮色不紅日久漸大或疼或不疼但未破者
俱用此貼

用蟾酥丸藥末一料加金頭蜈蚣五條炙黃去頭
足研末全入熬就乾坤一氣膏二十四兩化開攪

極均重湯內頓化紅緞攤貼半月一換輕者漸消
重者亦可停止常貼保後無虞矣

天柱疽門主論

王肯堂曰天柱疽生天柱骨上極癢入骨惡心吐逆
肩背拘急急隔蒜灸癢止爲度灸而有泡者吉無
泡者凶服發汗劑得汗可治無汗難治若潰後神
昏嘔噦惡心血不止者死

準繩

天壽疽門主論

申斗垣曰天壽疽其狀大而紫黑生於項背是三陰

三陽經脉交會之處故毒易於內攻若不早治若

熱毒入於淵液

膽經穴名


恐傷肝肺旬日之間必死初

起不論陰陽寒熱當以隔蒜或豆豉餅灸之治同

癰疽法

啟立

對口有正有偏



毒流於肩則肩腫
毒流於背則背腫

對口門主論

申斗垣曰對口生於風府瘕門穴

風府一名舌本入項髮際一寸腦戶

後一寸五分項大筋內宛宛中瘕門在風府後五分入髮際五分入系舌本陽維之會仰頭取之

汪省之曰偏對口又名髮際發

理例

陳遠公曰對口初生小瘡先癢後疼隨至潰爛人以

為至凶之癰也不知生正對口者反輕而生於偏

傍者尤重蓋頸項之上乃腎督之部位也其地屬

陰所生多是陰疽非陽癰也陽症必高突色紅腫

發亮疼痛呼號若陰疽色必黑黯疼亦不甚身固

欲臥沉重呻吟無力瘡口不突或現無數小瘡世人不知何處覓頭然陰陽二症皆可內消何可令其皮破腫潰而後治之乎惟內消之法不必分解陰陽但既破潰膿設陰陽不審漫投藥餌則禍生頃刻也內消用三星湯金銀花二兩蒲公英一兩生甘草三錢水煎二服全消陽症已破者亦以此方治之三服必膿盡肉生若陰症大潰者改用七聖湯人參黃芪當歸白朮各一兩金銀花二兩水煎一服血止二劑肉生三劑口小四劑皮合又二

劑全愈 水鑑

此方治各部癰疽低陷不收口者神效不止治對口陰毒而已也總以陽症可以涼瀉陰症必須溫補故耳

陳寶功曰對口又名腦疽生於項後而對前口者是也正對口是督脉所主督脉起於下而貫脊行於上故毒氣得之反能冲突高腫使毒氣不致下流低陷乃能外發故多易治偏對口乃太陽所司太陽膀胱主司寒水性質多沉起於巔頂貫項兩傍順行而下與瘡毒交會下流故瘡多平塌難治之

證以十五日內得膿爲吉 正宗

馮晉瞻曰腎消亦有腦疽背癰者蓋腎主骨髓者髓
之海背者太陽經寒水所過之地水涸海竭陰火
上炎安得不發而爲癰疽也其瘡甚而不潰或赤
水者是則或黑或紫火極似水之象乃腎水已竭
不治若峻補其陰能食便調神安無別惡症或可
救也

薛立齋曰腦疽俗名對口乃濕熱交蒸而成從外感
受者輕從五臟蘊結內發於外者重項後雖屬於

督脉又乃太陽膀胱寒水司行之道從外感得者
多生正穴氣稟純陽故多不治而愈正穴屬於督
脉起自尾閭穴貫脊而上氣血交會故易於高腫
潰膿生肌收口偏穴屬太陽膀胱經太陽膀胱主
司寒水起於巔頂分脊而下此處發疽毒壅於此
氣血流行隨毒而下瘡形平塌腫不高尖根脚走
散兩肩漫腫背如負石難以成膿難潰難斂決不
可治

又曰五臟蘊結而成者其源有五心緒煩擾癩動不

寧以致火旺而沸騰行於項間與寒水交滯而爲
膿者一也惱怒傷肝項乃三陽統筋之所肝傷則
血脈不潮筋無榮養凝結爲腫故項緊急強痛不
能轉側其患未潰前肉色紫暗堅硬漫腫破流血
水木痛無膿者二也思慮傷脾脾氣日損又或膏
梁損胃胃汁乾枯以致中脘痞塞氣不運行逆於
肉裏乃生壅腫其患外皮雖腐內堅不潰口燥舌
乾飲食不進根脚走散膿穢色敗者三也憂鬱傷
肺肺傷則毛竅閉塞腠理不通氣不舒暢縱橫經

絡結而爲腫其形瘡多平陷色淡不華皮腐脂流
形如湯潑氣粗短促鼻微鼻掀碌碌生痰殷殷發
嗽者四也恣慾傷腎腎傷則真陰之氣敗真陰一
敗相火相生此火最能自升自降或動或靜瘡形
紫黑脉數乖度煩躁口乾隨飲隨渴者五也故云
從內發外者重

又曰凡不紅不疼不腫灸亦不痛急用披針當頂點
入知痛處出其惡血通其瘡竅隨插蟾酥條直入
瘡底用膏蓋好取膿爲吉餘如癰疽治法托毒

對口門主方

秘方

連翹去心 牛蒡子研 蟬蛻

白芍藥 川芎 當歸尾

防風 赤芍藥各一錢五分 甘草節必要真節

川貝母去心各三錢 蒲公英二錢 厚朴一錢

桔梗一錢四分 乳香去油研 沒藥去油研各七分

逐味另稱分釐不可增減水二鍾煎加童便一盞和服服後出汗二三劑即愈

對口初起

鮮烏魚皮貼瘡上乾則以火酒掃之日換五次

又方

猪首眼瞳中肉取下兩塊盛碗內用木筯搗極爛
如糊敷圍中留豆大一孔透氣至重敷二次即消

又方

山藥同獨核肥皂搗敷

又方

蚌涎同霜梅搗敷

又方

上好心紅 三錢
蜥 十條

搗膏視毒大小貼之未成即消已成即出膿立時見效

對口背癰仙方

活鯽魚 一尾去
鱗 腸 頭 垢 五錢

共搗爛加蜜半杯攪勻從外圍入裏面留一孔出毒氣二次全消即時止痛

對口癰初起

瘍醫大全

卷二十二

對口方

三

顧氏秘書

桃葉尖九個搗爛摻上

又方

抱小雞的母雞熱尿塗消

又方

猪胆剖汁碗盛塗完即愈

男用雄猪胆
女用母猪胆

又方

天茄 即白牽牛

葉帶莖子採來全生姜三片搗敷

早晚一換三日全愈

又方

肩癰門主論


陳寶功曰肩毒左肩爲癰屬肝右肩爲疽屬肺

正宗

胡公弼曰發肩乃腎與膀胱受證氣血凝滯不得流
行結成癰疽得膿爲吉

青囊

肩疽



肩疽門主論

王肯堂曰肩疽此處乃手足三陽交會之所由風熱鬱結所致或因負重損傷而作

準繩

靈樞云發於肩及臑名曰疔癰其狀赤黑急治之令人汗出至足不害五臟癰發四五日逆熇之

鬼遺方云丁疽發兩肩惡血留結內外榮衛不通發成疔疽五日腫大令人口噤寒厥十二日可刺不治二十日死

陳氏曰乾疽腫發起兩肩及兩大臂連胛骨二七日

痛不息亦不可動五十日身熱不赤六十日可刺
刺之無血者死

薛立齋曰肩疽生於肩骨之上乃肝脾二經積熱毒
氣上衝肩井始生多不知覺惟肩骨中酸痛竟有
六七個月方現形影既潰失治五六載不能收功
甚至肩井骨露則危矣初起宜用艾灸

心法曰肩中疽生肩正中左右相同屬三焦膽二經
一名疵癰

又曰肩風毒生於肩稍臙上骨尖處屬大腸肩髃穴

由邪風深襲骨縫與濕稽留化熱而成

又曰乾疽生於肩前廉左右皆同屬大腸經一各疔
疽

過肩疽門主論

王肯堂曰過肩疽又名筋疽生肩後夾脊兩邊腫硬
痛疼寒熱似瘰但初起無頭急用灸法

鬼遺方云筋疽發夾脊兩邊大筋上其色蒼八日可
刺有癰在肥腸中九十日死

心法曰過肩疽生在肩後廉左右皆同總由濕熱風
邪過鬱而成亦有負重瘀血凝結而成

肩井毒門主論

申斗垣曰肩井毒又名氣癰其穴在肩上骨腋動處
陷中是也乃怒氣相干氣血凝滯而成初起必用
鐵箍散圍住根脚否則毒流肩脊不可治矣 啟玄

擔肩門主論

申斗垣曰此乃肩挑負重壓傷肩頭氣血凝滯而成或因枕臥冷處致令隧道不通蓄血而成破則流膿出血此外因也治當早灸始能消散

秋玄

又有匾擔因婦女在上跨過卽害擔肩

擔肩門圭方

驗方

剪猫頭上毛用不語唾粘之

上中下三發背門主論

王肯堂曰上中下三發背俱在脊中屬督脈上發者傷於肺發於天柱骨下中發者傷於肝爲對心發下發者傷於腎爲對臍發皆由積熱怒氣所致初如粟米或麻或癢或拘急或不痛或大痛初覺便宜隔蒜炙之或汗或下或托量其虛實施治

準編

又曰腦發背發在上者不可用木通恐導虛下元故也老弱者尤宜戒然三發背總要之地與他處不同尤所當謹微有痛癢宜速治之

鬼遺方云人生最可憂者發背也其種有五 一日
陽毒發背因風而有或患熱毒消渴或先患傷寒
餘有陽毒未解蓄積起於背脊脅之間不問椎數
但從兩夾脊起止腰上滿背焮腫熱如炊之狀赤
紫或紅如焰膿毒難成成後不止止後痛不除暮
忽數日之間復平如舊將謂腫消此是內攻內陷
不可療矣 二日陰毒發背是氣冷而作初如黍
米粒起情緒不快愔愔而痛直應前心心內忪怔
頭目昏重寒熱如瘧五七日後始發引攻腫開潤

難收內積有膿深沉遲緩未透宜急以補氣湯藥
內托外以抽膿藥貼之宜急見膿無膿卽平愈無
期 三曰有人多服金石燒煉之藥毒惡流滯成
發背者初起如丹痧之狀皦皦漸開如湯火瘡面
色如硃心膈煩躁多渴嗜冷其瘡難起起卽驚人
猶勝於陰陽二毒者緣此有解金石藥毒湯散治
其內也賴有根底分明亦須急療方安 四曰人
有患酒食毒發背者此疾非近得之乃臟腑久積
乘饑乘困食之便睡或多食酒肉冷熱粘滯肥鮮

熾臙未下胸膈房室不禁恣意當風取快脾臙氣
虛不能受乘發毒攻背兩夾脊不問椎數初起癱
頭如小彈子後大如拳堅如石痛遍四肢加之拘
急口苦舌乾腹急大小便澁十數日後頭面手足
虛腫及臙腑通泄如利內急痛者是其證也乘方
腫引急用攻腫發穴潰膿湯藥內實外泄膿水不
可放縱遲緩則皮肉腐壞傷骨爛筋漸成膿多因
而感邪內敗者死矣 五曰人有胃山嵐瘴氣發
背毒氣先在臙腑年月浸遠氣血虛損衰弱初起

腫色青黑如靴皮頑痺痛深附筋骨徹髓按之如
木石引手加深方覺似有痛處至五七日毒氣浮
淺腫高色變青白有如拳打之狀寒戰似瘧及有
風候頭動口偏手足厥逆眼黑睛小白多而慢此
內有邪氣相搏急破出清血三五升有黃膿白汁
相和發泄其皮不寬不慢亦急脹痛亦不住直至
色退熱痛方愈亦宜急追趕膿與毒氣外出無害
初患腫三日內灸者生 八日內膿成針烙導
引者生 未瘥慎勞力者生 慎忌食者生 慎

喜怒者生 懼腫猛療者生 急療者生 不諱
發背者生 待膿自出不導引者死 未內攻而
針烙用藥導引者生 內攻後導引針烙者死
腫焮熱痛方盛已前療者生 如過此後已內攻
者死 膿成後不出不導引但敷藥者死 如赤
白痢氣急者是已內攻醫療無益必死 癰不救
十得五生 疽不療十全死 輕腫怕痛者必死
不遇良方者死 節候不依法者必死 愚執
恣意用性逸情者死

王肯堂曰有發背癰有發背疽如毒氣勇猛而發如火燎茅易於敗壞初起如黍米粒大兩三日漸赤引腫如手掌面大五七日如椀面大卽易爲攻焮熱赤引如火燒之狀浮面漸潰爛潤開內發脆如炊之狀外爛皮肉如削去紫瘀膿汁多而腫不退疼亦不止發渴發逆飲食不下嘔吐氣急浮淺開濶者尤宜發膿托毒湯藥服之必愈陽證實也其間有只如蓋面大者此非不大緣爲毒氣深沉內虛毒氣近膜也此必內攻近入臟腑却外入四肢先攻

頭面虛浮後攻手面次攻兩足面腫名曰毒氣散

入四肢其人聲嘶氣脫眼睛黑小十指腫黑乾焦

不治

陰證虛也

始發一粒如麻豆大身體便發熱生疔

處腫大熱痛此爲發於外雖大如盆治之百可百

活

陽證實也

或身體不熱自覺倦怠生疔處亦不熱數

日後漸大不腫不痛低陷而壞爛此爲發於內雖

神仙無如之何

準繩

陳遠公曰背心間先發紅癩後漸紅腫此發背之兆

也最爲可畏古人云外大如豆內大如拳外大如

拳內大如盤言外小而內實大也然癰疽大毒必
辨其陰陽有先陰變陽者有先陽變陰者有前後
俱陽者有前後俱陰者陽症雖重而實輕陰症雖
輕而實重先陰變陽者生先陽變陰者死何以知
之陽症形高大而腫起陰症形低平而陷下陽症
色紅陰症色帶黑陽症初起必痛陰症初起必癢
陽症潰爛多膿陰症潰爛多血陽症收口身必輕
爽陰症收口身必沉重至於辨陰辨陽以此消息
必不差也凡紅腫高突乃陽症也乘其肉腫初發

肉猶未化急以散毒之藥治之可隨手愈也發背
至橫決者皆因循失治以至破敗而不可救陽變
陰者多矣救癰如救火宜速撲滅否則延燒屋舍
不盡不止切勿見爲陽症輕緩治也急消湯金銀
花二兩紫花地丁一兩茜草甘菊花桔梗天花粉
生甘草各三錢貝母二錢黃栢一錢水煎服三劑
全消不四劑也 水鑑

此方消陽毒初起極神既無迅烈之患大有和緩
之妙人不知法則謂陽毒易於祛除浪用虎狼之
味毒雖消散而真氣耗損往往變成他症乃
醫者成之也何若王霸並施有益無損爲妙

又曰背心發癢癢甚已而背如山重隱隱發紅暈如盤大此陰癰初起之形最爲可畏非前症可比乃一生罪孽鬼祟憑身必胡言謾語將平日欺心之事盡情宣布此症本不可救然人心善惡成於一念苟能悔艾而刀圭無術亦見吾道之無奇矣夫陽症有可救之條陰症豈無可生之理惟在治之得法耳陰症雖成於鬼祟之纏亦必正氣大虛邪得入之也故治法必用補氣血之藥佐以散鬱散毒之品則正旺邪自散矣變陽湯人參黃芪各二

兩金銀花八兩白芍一兩天花粉生甘草各五錢

荆芥炒黑三錢柴胡二錢附子一錢水十餘碗煎汁

二碗先服一半後又服一碗陰必變陽而作痛又

一劑痛消再一劑全愈

世人不見皮破血出斷不肯信然先用此方以治
發背無論病人不肯服即醫士亦不肯用往往決
裂潰爛瘡口至如碗大而不可收始悔參芪之遲
用矣所以論症而多戒辭勸人早服此方以免喪
命蓋陽毒可用攻毒陰毒必須補正以參芪補氣
氣旺則陰毒之毒不敢入心肺之間金銀花性善
善解陰毒得參芪而功益大然非附子不能直入
陰毒之中而又出於陰毒之外毒深者害深又加
生甘草以解餘毒然毒結於背者氣血之滯也藥
極者鬱之極也故加柴荆粉芍消痰通滯開鬱引

經自然氣宜血
活痰散毒消也

又曰背癰潰爛洞見肺腑瘡口黑陷身不能臥口渴
思飲人以爲陽症敗壞孰知陰虛不能變陽乎夫
癰雖有陰陽之分及至潰膿之後宜補內而不宜
消則陰陽之症一也潰爛而見肺腑足見失補之
故使毒過於延燒將好肉化爲菸肉耳肉菸必腐
腐則洞見底裏此症九死一生之兆倘胃氣健能
食者猶可治若見食則惡者必無生理然能受參
芪峻補者尚可生也轉敗湯人參熟地各二兩生

黃芪當歸山萸各一兩白木金銀花各四兩麥冬
二兩遠志三錢肉桂茯苓各二錢北五味一錢水
煎一服胃氣大開者即可轉敗爲吉倘服後少能
健飯亦在可救若杳無應驗者胃氣將絕無救矣
此方補氣血更補肺腎之陰蓋陰生則陽長陰陽
生長則有根易於接續後以銀花解餘毒則毒散
而血生血生而肉長肉長而皮合倘以解毒爲事
不補氣血之陰陽則陰毒不能變陽有死而已矣
不亦悲哉倘服之而飽悶少頃
漸安者尚有生機不可棄置

又曰背癰將愈瘡口不收治無一效人以為餘毒未
盡也孰知陰虛不能濟陽乎夫癰疽初起則毒盛

變膿則毒衰膿盡則毒化矣瘡口不收乃陰之虛
非毒之旺人不知治法以敗毒攻之是重虛其虛
欲肌肉之長得乎或亦有補而不效者必係只用
陽分之品以補陽不用陰分之品以補陰也蓋獨
陰不長獨陽不生今膿血已盡陰必大虛只補陽
則陽旺陰虛陰不能交於陽矣雖陽有濟陰之心
而陰無濟陽之力所以補陽而陰愈虛瘡口愈難
合也治必大補其陰使陰精盛滿自能灌注瘡口
不必生肌外敷瘡口之肉自生矣生膚散麥冬山

黃銀花當歸各一兩熟地二兩人參白朮各五錢
肉桂一錢水煎二服肉自內長又二服外口自平

又二劑全愈

此方補陰多於補陽使陰勝於陽也然補陽之藥
仍是補陰之助以其能入陰中交於陽內也銀花
非恃以解除毒取其能
領各味至瘡口之間也

又曰背瘡長肉瘡口已平忽開裂流紅人以爲瘡口
肉未堅也孰知色慾惱怒不謹乎夫癰症最忌色
慾次忌惱怒犯惱怒新肉有開裂之虞犯色慾新
肉有流水之害然此猶些小瘡癰也其在背癰犯

惱怒者不過疾病犯色慾者多致死亡瘡口開裂之處色必變紫黑流血之處內必變敗壞矣此時必急補氣血切不必仍治其毒蓋前毒未盡必難收口復至敗壞實新肉不堅而自決裂也况發背新愈其精神氣血空虛交合泄精遂變出非常舍補氣血又安求活乎然補氣血必用大劑方能收危亂之功也定變回生湯人參四兩黃芪三兩當歸麥冬白朮銀花各二兩茯苓一兩山萸五錢肉桂三錢北五味二錢水煎二服肉自生矣三劑皮

仍合矣平復如故再犯禁忌無不死矣此方難救
此方救瘡瘍壞症仙丹不止治發背愈後犯色敗
腐也人疑泄精以至決裂宜熟地大補之何故不
用因熟地補陰最緩而症犯甚急所以不用熟地
多用氣血之藥救其垂危非熟地不可用輕棄之
也此方數劑之後正宜減半
而多加熟地以爲善後計耳

又曰夏月生背癰瘡口不起脉大無力發熱作渴自
汗盜汗用參芪補劑益加手足逆冷大便不實喘
促嘔吐人以爲火毒太盛也誰知元氣大虛補不
足以濟之乎夫癰分陰陽瘡口不起乃陰症也脉
大似乎陽症大而無力非陰而何發熱作渴此水

不足以濟火故作渴作熱也既陰症似陽用參芪
助陽足以祛陰而返陽矣何以愈補反作逆冷嘔
吐此陰寒之氣甚而微陽之品力不能勝耳非加
附子之辛熱何能斬關以祛蕩陰邪哉助陽消毒
湯人參八兩黃芪一觔當歸白朮各四兩陳皮一
兩附子五錢水煎膏二次服諸症退服數劑瘡起
乃減半又服數劑而愈

此非治癰之法也然以治癰之法輕劑治此鮮不
立亡可見治癰不可執也大約陽癰可用消毒化
痰而陰癰切不可用消毒化痰之藥今舍
癰從症乃治癰變法醫者不可不知也

又曰背生癰疽潰膿之後或發熱或惡寒或作痛或膿多或流清水自汗盜汗膿成不潰口爛不收人以爲毒氣未盡也誰知五臟虧損血氣大虛之故也凡人氣血壯盛陰陽和平何能生毒惟臟腑內損而毒氣得以內藏久之外泄及至癰疽發出其毒自不留內然臟腑原虛又加流膿血則已虛益虛觀其外而瘡口未斂似乎有餘審其內而氣血未生實爲不足法當全補不必偏補一臟設有偏勝之虞用十全大補湯爲妙以其兼補氣血耳然

有不效者非方之不佳乃用之不得法也夫背癰
何等之症豈細小之劑所能補哉必大劑始克有
濟予酌一方人參當歸各一兩黃芪熟地各二兩
白芍白朮茯苓各五錢川芎生甘草各三錢肉桂
二錢水煎服一劑有一劑之效也

人以此方絕不敗毒如何毒化肉生不知癰疽未
潰以化毒為先癰疽已潰以補正為急縱有餘毒
未盡不必敗毒也敗毒之味非寒涼即消耗消耗
即損人真氣寒涼敗傷人胃氣胃氣傷則穀氣全
無真氣損則邪氣反盛何能生肌肉哉此方專助
真氣以益胃氣故能收全效且此不但治背癰已
潰凡瘡瘍已潰者皆宜用之惜世人未知也

申斗垣曰上搭中搭下搭皆由酒色過度怒氣相干
寒熱壅盛而成膿血稀少謂之裏虛難於醫治啟

胡公弼曰按足太陽膀胱一經始於睛明攢竹終於
通谷至陰凡六十三穴去脊中寸半之間貼脊而
行自大杼而下第三椎肺俞五椎心俞七椎肝俞
八椎膽俞九椎脾俞十二椎腎俞生發背者上發
則傷肺中發則傷心與肝名爲對心發下發則傷
脾與腎名曰對臍發家秘云發背一日生二日大
三日爛一七出水一七不遇良醫爛開四圍毒熾

甚矣若爛見心透膜犯主神手醫救亦難余以爲
初起莫妙於灸中間莫妙於薰若有腐而不潰自
降紅升提腐去毒俟毒盡肌生之時再行生肌自
無鎖口之患

青囊

汪省之曰凡辨發背令患者以兩手上下摸看搭不
着者方是發背若搭的着者上爲上搭下爲下搭
左爲左搭右爲右搭中爲中搭俱以手搭治之若
手摸不着則是真正發背必須內外相參上緊醫
救方可保其無變也

理例

陳實功曰心之以上多危險者因屬於五臟故也蓋
心肝脾肺四臟皆繫於背惟腎經一臟獨居於下
雖居於下其本臟精華津液元氣元神盡行灌溉
榮注於上故四臟之火皆賴一臟之水以濟之所
謂五臟根本皆繫於背卽此之義也况背乃太陽
膀胱督脉所主太陽者乃六經之首領督脉者十
二經絡之統脉瘡生於背毒犯於此須分陰陽虛

實治之

正宗

又曰發背在心之以下腎俞以上者輕因屬於腑分

故曰心之以下多成癩蓋其形在下其氣主表其
病爲癩 正宗

汪省之曰癩發生於神道靈臺二穴乃督脉膀胱經
初起時不作寒熱疼痛紫黑色不破裡面先白黑
爛二十歲已後房勞積熱所生皮黑者不治 理例

胡公弼曰對心發蜂窠發蓮子發兩頭尖皆發背之
別名以瘡口開張深淺而言也此症最忌香葷燒
酒猪羊牛驢等肉前後切忌寒涼之劑以免毒攻

內陷 青囊

堅硬漸大不作膿者死在二十二朝前後

正宗

瘍醫大全


卷二十二

對心發

卒

顧氏秘傳

蓮子
蜂窩



蓮子蜂窩發門主論

王肯堂曰蓮子發卽太陰疽生肩胛內痛漸至潰爛屬手太陰肺經積熱所致赤色者可治青黑者不治喘嗽大渴胸滿脉微者死

準經

又曰蜂窠發狀如蜂房十日平塌寒熱痛禁

鬼遺方云蜂窩疽發髀背起心俞及心包絡俞若肩髃二十日不穴死十日可刺其色赤黑膿清者可治

陳寶功曰蓮子蜂窩二發此言其形似而名之也多

生於背與心相近與脊中平輕者形長高腫或偏
半背重則形斜平塌兩脇俱傷孔似蜂窩突如蓮
子形雖可畏常能多險多生羸弱不堪反取常安
常穩大規祇怕不純陽治法何妨瘡勢急治宜護
心護膜謹防毒氣內攻

正宗


汪省之曰蜂窠者言其頭有五七十不止蓮子者頭
不過一二十通背腫者不救

理例

又曰瘡頭向上發者名曰反證最凶瘡頭向下發者
稍順如無膿痰發及串流於肩膊者不治穿膜者

不治又有兩頭開發者更凶

理例



兩頭尖疽門主論

中斗垣曰兩頭尖又名滿天星乃飲食辛熱蘊釀鬱積毒壅所致氣虛相冲因虛成毒故此證形口開而潤上可至肩下可至腰此千無一有之證治與

癰疽同法

啟立

王肯堂曰兩頭髮又名滿天星又名廣錦背發兩頭小四邊散因積怒蓄熱所致腫高紅潤者生低陷黑暗者死

準繩

瘦癯發



湯醫大全

卷二十二

瘦癯發

諸

顧氏秘書

瘦瘤發門主論

申斗垣曰瘦瘤發發於脊之正中近於大椎

穴在第一椎上

陷中三陽陶道

穴在項大椎節下間督脉足

得身柱

穴在第三椎節


下間俛而取之三穴之端俱督脉所絡之處甚利

害急早托之此是陽維之海督領百脉若生癰疽

乃督脉不能統督之意故凶

啟玄

體疽發



體發疽門主論

申斗垣曰體發疽上至肺俞

穴在第三椎下各依下脊相去一寸五分

至肝俞

穴在第四椎下兩傍各一寸五分出山跳附經

左右相同在高骨

之傍乃足太陽膀胱經多血少氣八日可刺如不

潰二十日死或初發時腫上如椒子者死

張玄

王肯堂曰竟體發一名椒眼發背上生疽肉色不變

麻木微癢頑如牛領之皮二三尺由盛暑時空腹

感觸穢氣及憤怒積鬱所致七日內未成膿宜隔

蒜灸灸而起發神清脉和者可治灸而不起腹脹

神昏脉微或促或代者死服汗劑得汗者生無汗者死服補劑紅潤起發知痛者生膨脹不食乾枯黑陷者死

準繩

陰陽疽門主論

王肯堂曰陰陽疽背上麻木不常時腫時塌忽軟忽硬乍寒乍熱由七情內乖陰陽不和也此證必大渴神清脉定者可治昏迷躁亂飲食不進者死十日得黃白膿者可治數日無膿者死

準繩

特疽門主論

王肯堂曰特疽發肺俞及肝俞不穴二十日死八日
可刺其色紅赤內隱起如椒子者死

準繩

陰陽二氣疽門王論

王肯堂曰陰陽二氣疽廣潤滿背或大或小不常腫
熱脹大十日可刺導引出膿不拘深淺多少發渴
體倦十日外不見膿不治

準繩

黃瓜疽門主論

土背堂曰黃瓜疽一名肉龜生背側高二寸長尺許
狀如黃瓜肉色不變疼痛引心四肢麻木是也此
證多不可治 準繩



丹毒發疽門主論


王肯堂曰丹毒發疽背上細癰無數浸搖一二尺如
湯火傷煩躁多渴因服丹石剛劑所致紅潤者生
紫黯者死惡證少者黃連消毒散國老膏惡證多
神昏脉躁膨脹嘔噦者死

準繩

酒毒發門主論

王肯堂曰酒毒發背當心而痛麻木不常纍纍如彈
如拳堅硬如石痛徹五內遍身拘急由饑飽勞傷
炙燂厚味所致神昏脉亂大渴狂言有妨飲食者
死二便閉結者死有因寒變而內陷者用托裏溫
中湯

準繩



上搭

上搭門主論

王肯堂曰肩後疽又名鼠疽卽上搭也生肩膊後骨

上乃怒氣積鬱所致屬太陽兼少陽經宜灸

準繩

汪省之曰凡辨手搭腰搭發背三證務令患者以手

搭肩上搭着者左爲左搭右爲右搭頭多如蜂窠

者易治向下手搭着者謂之腰搭惟兩手上下俱

搭不着者謂之發背

理例

陳實功曰肩下脊上發癰疽者乃脾經蘊積膏粱熱
毒所致腫形根脚不過兩肩者爲順如腫平堅硬

漸大漸開攻注兩肩胸項腫而不定者危

正宗

心法曰上搭手生於脊骨第三節傍 中搭手生於

脊骨四節傍開三寸膏肓穴名青龍疽 下搭手

生脊骨第十四節腰窩內傍開三寸育門穴


上搭門主方

消上搭方 單方集驗

全 蝟 三個
核桃肉 三個

共研細熟酒冲服一二次自消

中搭



中搭疽門主論

王肯堂曰中搭卽龍疽生第九椎兩傍忽腫痛而無
頭寒熱大作屬太陽經由七情不和憤怒積熱所
致色赤起發潤澤者可治色黑低陷惡心眩運大
便滑泄小便如淋譫語者死

準繩



左右搭串門主論

王肯堂曰左右搭串者左肩骨上生疽串於右者可
治右肩骨上生疽串於左者難治古有此說愚謂
不然攻注左右者氣血不調陰陽交錯也七惡證
少何慮難痊元氣虛憊治之何補哉

準繩

陳實功曰左搭屬肝右搭屬肺俱生於左右肩骨移
動之處爲可治如左搭串右右搭串左俱爲難治
正宗

申斗垣曰兩肩左右齊發名雙串付搭疽

破立

療疽發



瘍醫大全

卷二十二

療疽發

本

顧氏秘書

療疽發門主論

申斗垣曰療疽發發於背之兩傍屬足太陽膀胱經
多血少氣發於脊中屬督脈經初起如豆如梅李
黑白色不定慘痛應心四畔如牛唇四十歲以前
可治已衰弱者難痊

微立

禽疽門五論

鬼遺方云禽疽始發者如疹數十處如拳打之狀發寒齒噤如此者十四日死十日可刺導引膿出卽愈

王肯堂曰禽疽背忽麻木拘急不痛十數處肉紫色如拳觸狀七日內寒熱口噤者死得汗可治無汗不治神昏脉躁或微或代者死漫腫不潰宜服臺

閣紫微丸

準繩

九疽門主論

汪省之曰九疽一生卽有九處當驗人之虛實毒之
淺深膿之稀稠潰之遲速以決死生如二三處者
則輕

理例

小兒龜背門主論

龜背者多因未滿半週強令坐早失護背脊以致容
風吹撲傳入於髓寒則體痿故傳變成斯又謂五
臟皆繫於背凡五臟受過而成五疔久則蟲蝕脊
髓背骨似折高露如龜矣書曰腮腫疔還盛脊高
力已衰腎無生氣骨無堅長故爲惡候也

小兒龜背門三方

孫真人千金方

紅藥首烏研末龜尿調敷脊骨漸漸自平

脊縫出風門王論

岐天師曰如人背脊裂開一縫出風千餘此乃腎中
有風得陽氣吹之不覺破裂而風出治以活水止
風丹裂縫生風盡死 秘錄

脊縫出風門主方

活水止風丹

岐天師

熟地

山萸肉

各三兩

杜仲

一兩

白朮 五錢

防己 一錢

稀莨草 三錢

白水煎

脊縫生風


張仲景

草麻子三粒研成如膏同紅棗三枚搗成丸如彈

子大火燒之薰衣上則風死而縫合蓋草麻子能

殺風而去風風去風出則脊自合縫矣

肉龜瘡



易醫大全

卷二十二

肉龜瘡

三

顧氏私書

肉龜瘡門主論

汪省之曰肉龜瘡乃心腎二經受症生於胸背兩脇
間有頭有尾且有四足皮色不紅突起二寸或有
頭向上者毒攻心口或有頭向下者足如刀割或
左或右其痛難忍急用神針針住頭尾四足上用
艾灸二十八壯龜瘡卽死不可去針內服荆防敗
毒散加天花粉乳香沒藥然後再瀉其針

理例

鼠攢瘡



瘍醫大全

卷二十二

鼠攢瘡

美

顧氏秘傳

鼠攢瘡門主論

汪省之曰鼠攢瘡又名遊走血脾癰生於脇背之間此乃自幼受其胎毒或因缺乳多食麪果熱毒之物臟腑嬌脆不能尅化久作寒熱骨蒸內熱日夜不寧因此毒發生於皮膜之外儼如流注一般狀似鼠形大小不一七八日有膿可治無膿難於收

歛
理例


王肯堂曰老鼠攢一名遊走血脾癰生於背脇之間三兩處發疽由怒氣積熱所致多發於足少陽足

厥陰部位七日不見膿及黑陷躁亂者死

準繩

心法曰串疽生於背脇之間初發一處挨次發出二三處形雖不同而色仍同也潰後多相串通故又名老鼠攢又名遊走血脾癰

淵疽



淵疽門主論

陳寶功曰淵疽發於脇下初起不紅堅硬久則破潰
有聲如嬰兒啼狀膏蓋無聲去膏仍有異哉難治
真不能也 正宗

心法曰淵疽生於脇下三寸憂恚太過以致肝膽兩
傷而成初起堅硬腫而不紅日久方潰得稠白膿
者順如豆漿者險瘡口有聲似乎兒啼此屬內膜
透也可於陽陵穴 在膝膕骨外廉一寸陷中 灸二七壯其聲
卽止將潰未潰宜坐取之卽得多服護膜散可免

透膜

淵疽門主方

護膜散

白蠟

白芨 各等分

研末輕者用一錢微重用二錢重者用三錢或酒或米湯調下

石疽門主論

王肯堂曰石疽生腰膂之間肉色不變堅硬如石經
月不潰者何如屬少陽陽明二經積熱所致邪毒
固結元氣不足故不能起發若黑陷不起麻木不
痛嘔噦不食精神昏亂脉散或代者死 準繩

汪省之曰石疽乃寒氣所作深伏於骨髓之間腿膝
有腫與皮肉相似苦疼而堅硬如石故謂之石疽
治宜溫補 理例



腎俞發門主論

王肯堂曰腎俞發卽腰疽又名連腎發又名下搭生
十四椎傍腰腎之間由房勞太過致傷腎水令人
口乾寒熱大作百節俱痛治之稍緩潰爛透膜者
死若見咳嗽嘔噦腰間似折不能俯仰飲食不納
者死潰而膿水清稀腐爛腥穢迷悶不醒厥逆者
不治

準繩

陳遠公曰有腰眼間忽生疽毒疼痛呼叫似乎陽症
然腰腎乃至陰之地未可作陽症治之也此症雖

本於忍精欲泄不泄以成此毒似乎純是陰分之
過但腰雖不遠於內腎火發而毒成則陰中有陽
未可純以陰症治之也必陰陽並治以化毒則毒
去如掃倘不補陰竟治其毒則腎益傷而毒難速
化卽補陰而不補陽則陰無以生毒且深藏腎宮
不得外泄矣兩治散白朮杜仲當歸各一兩金銀
花三兩菴葦草三錢防已一錢水煎一服痛輕二
劑疼止三劑全愈

水鑑

此方以杜仲白朮利其腰臍氣通毒自難結又得
銀花當歸補中有散而防已菴葦直入腎宮祛濕

熱之毒陰陽無偏勝之虞邪正有解紛之妙自然
二三劑成功也

申斗垣曰腰疽乃足太陽膀胱經多血少氣生於腰
間腎俞胃倉二穴托之得膿則安若上赤下黑二
十日不潰或青黑色無膿出血水者死 啟玄

又曰腰癰發於軟肋下近腰乃帶脉五樞維道穴是
少陽經多氣少血寒熱燉腫作痛余曾治一人膿
出一桶餘內托大補而愈

寶漢卿曰此證切忌怒氣行房犯之不治

又曰治宜補腎加知母黃栢沒藥廣膠

胡公弼曰此發生於兩腰陷肉之間或生兩腰中間
在大杼下第十二椎是也此乃慾火消陰十五日
前後必死若瘡形紅活高腫有膿尚有可生機枯
青囊

陳實功曰腎俞發生於兩腰內腎陷肉之間或正中
亦發凡生於此最爲險候蓋腎爲性命根本藏精
藏氣藏神又乃受命先天育女育男育壽此必房
勞過度氣竭精傷慾火銷陰外陽煽動以致真陰
從此而耗旣耗之後其臟必虛所以諸火諸邪乘

虛而入如本臟稍有真陰制火瘡形自可高腫紅
活爲膿治以人參養榮湯加山萸肉北五味子知
母黃柏及加減八味丸以救其源若瘡形紫黑乾
枯堅硬不作膿者爲真陰內敗再無可生之理死

在十五日前後

正宗



對臍發疽門主論

王肯堂曰對臍發發於背下命門穴與臍相對故名
乃督脉經毒發有膿者生如出血水譫語發渴者
死 準繩

竇漢卿曰對臍毒卽衝疽又名歷腎生於腰腎間也
若內腎疼變爲渴者萬無一生 全書

環跳疽門主論

心法曰環跳疽生胯骨節間之環跳穴所以腰難曲伸漫腫隱痛此證皆由風濕寒邪凝結而成屬足少陽膽經初起宜服黃狗下頰散更刺委中穴出黑血其腿卽能轉動矣

環跳疽門三方

黃狗下頰散

黃狗下頰

連舌皮毛劈下入罐內盛泥封固鐵蓋蓋口煨一炷香覺烟青即止務宜存性取出黑如炭為度若帶白色其性已過則無用矣用時研細取狗下頰宜用屠家已殺之犬若生取特殺一犬恐傷德反招不祥

碗豈粉

白 蘇 各等分

三味和勻每服五錢温黃酒空心調服出臭汗及熟睡為效外將此藥用香油調敷患處

陰毒門主論

陳實功曰陰毒者乃純陰無陽被天時寒冷肅殺之
氣侵入肌膚流入骨髓以致氣不能升血不能行
凝滯經絡疼痛切骨初起不紅不腫不熱朝輕暮
重久則作腫漸紅爛斑黑靨臭水淋漓穢氣薰蒸
腐爛漸開終久必死

正宗

無名腫毒門主論

王肯堂曰無名腫毒者不拘於頭面手足胸腹等處
歟赤腫硬結核疼痛又名腫瘍又名虛瘍但腫無
膿無面者俱是也腫熱勢盛者以稜針刺去惡血
切不可用火針烙之若暴發赤腫切不可針破
之只宜以洗腫方法淋洗

準繩

又曰紫遊風

紫遊虛瘍

均屬無名腫毒

陳遠公曰頭面無端忽生小瘡濇甚第二日頭重如
山第三日面目青紫此至危之症苟不速治數日

內一身發青黑而死若青不至心胸者尚可救因
此人素服熱藥熱極而變爲毒也人入房久戰雖
氣主之而實火主之也氣旺而非火濟之則不足
鼓其興趣博久戰之歡補氣之藥斷不能舍參芪
而求異味世人貪歡者多而吝惜者不少用熱藥
助火非多加人參不足以駕馭其猛烈之威無如
人參力難多備方士不得已遷就世人心乃少
減參則功力薄多加熱藥以壯火於是金石火燬
之藥紛然雜投謂不如此不足以助命門之火也

夫命門之火腎火也非真陰之水不養不同於脾胃之火可以外水解之也且腎水既旺則外勢剛強多御女戎亦復何傷無奈淫心無盡火熾則水乾火沸則水涸水不足以制火熱毒結於腸胃况戰久必大泄精精泄過多火自更旺未免再戰或歸咎前藥太少更多服以助其勢不知藥益多而火益烈戰益頻而水益燥乎久之水涸火炎陽易舉而不能久戰卽有忍精勉強而鬪精不化而變爲毒結於陰之部位則成癰結於陽之部位則成

毒頭上陽部位也較陰部尤為可畏非多用化毒之藥安能起死回生哉回生至聖丹金銀花八兩

元參蒲公英各三兩川芎一兩生甘草五錢天花粉三錢水煎服一劑頭輕青紫色淡又一劑全愈

此方化毒而不耗氣敗毒而不損精所以奇也此毒原係水虧之極而瀉毒之味皆損於陰陽惟銀花攻補兼妙故以之為君必多用而力始大加元參去火甘草瀉毒蒲公英清熱花粉消痰川芎散結自然相助成功也石室秘錄奇病門中亦有此症治法宜參看辨證水鑑

又曰腫毒生於思慮不到之處其勢凶惡有生死之關皆以無名腫毒名之不必分上中下也前條只

言頭上而身之左右前後四肢尚未言也治之得法可以通治也大凡上中下之生腫毒者多起於淫慾無度加之氣惱憂鬱火乘其隙處蘊藏結毒故一發而不可救所以此症盡屬陰症而無陽症也治法似用解陰毒之藥矣然解陰毒之藥大半消燦真陰本因虛而結毒復解毒而虧陰安有濟乎余得異傳於補陰之中以行散鬱之法佐以解毒之品少助行經之味是以多收其功不敢秘傳書之於冊以救萬世之人也黑虎湯元參一筋柴

胡三錢生甘草一兩煎湯十碗生頭面者加川芎
二兩附子二錢再煎汁取三碗分二日服完未破
者卽消已破者生肌自愈不必二劑生身左右前
後者加當歸二兩甘菊花一兩附子三分如前服
生手足四肢者加白朮二兩茯苓一兩附子五分
亦如前服無不收功

按元參退浮遊之火得甘草之助解其迅速之威
得柴胡之佐能舒抑鬱之氣又有引經之味引至
毒處大爲祛除用至一筋力量更大又是補中去
散則解陰毒不傷陰氣所以建功人勿見藥之重
不敢輕試負余慙慙濟世之心也若些小之症與
非陰症不必用此重劑不可不知也

又曰有四肢間或頭面上忽然生疽頭黑皮紫疼痛
異常此陽症之毒也亦能殺人此症其勢甚驟不
急散毒則養成大橫世人每以生疽甚小不似生
癰之大往往不以爲意誰知變成大毒疽與癰實
有不同癰潰於內而疽腫於外也潰內者難外治
腫外者易內消雖癰疽之毒盡由內而發外宜皆
治內而外愈而疽尤宜內治也消疽散生地地榆
連翹天花粉各三錢忍冬藤夏枯草當歸各一兩
白芷生甘草各二錢水煎服未潰者二劑卽消已

潰者四劑全愈此方通治惡疽無不神效

蓋補血以散毒則血活而毒難留涼血以清火則
血寒而火易散疽多陽症所以治無不宜也

無名腫毒門三方

太乙丹 敬恕堂注

敷一切無名腫毒

頂好騰黃

五十兩

赤小豆

天南星

各二十兩

川五倍子

一百兩

當門子

五兩

右研極細末用白芨二十兩打糊和搗成錠用

醋磨敷自消

升麻膏

貼疔瘡頑瘡癰疽瘰癧痰核未成自消已潰自斂

升 麻 二十兩

真麻油五筋浸一宿煎枯去渣慢火熬乾滴水不散入飛淨黃丹二十四兩收成膏

一氣丹 胡學海

一切癰疽對口發背無名大毒

斑 貓 去頭足翅糯米拌炒五錢

乳 香 去油

沒 藥 去油各三錢 雄 黃 二錢

血 竭 一錢

麝 香 一錢五分 冰 片 七分五厘

元胡索

元 參 各五分

共乳極細末量瘡大小施用以膏貼之上初起立消已成易潰已潰易斂較之紅昇丹其功更捷且紅昇丹不利於對目惟自此最穩

久不收口

蘆甘石銀罐內煨研細搽之

久不收口

大頭骨煨

猫頭骨煨

研細搽之即斂

敷無名毒

小粉炒黃研

用不經鐵器搥死鷄將鷄撕開取鷄心肝腔
不用腸搗爛敷上一伏時必效

五虎丹

雄黃

菖蒲

艾葉尖

硃砂

不拘多

蜈蚣

一條

五月五日午時配合研細敷搽即消

消腫毒

極肥皂角子陰陽瓦焙研酒調服出汗即消

又方

榆樹南行根條洗淨加鹽少許入糖

全搗敷即散

卷二十二終